



Damonda da baghegiar

Nr. 140/2023

Datum da publicaziun: 15-12-2023

Patrun: Lehmann Albert, 7176 Cumpadials
Lehmann Serafin, 7175 Sumvitg

Representant: Robert Bundi SA, 7173 Surrein

Liug e parcelas: Cumpadials-Via Vitg; 4131

Object: spazzar la bargia existenta e construir ina nova cun integrar dus
balcuns

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 15-12-2023

Cumissiun da baghegiar

Orientaziun davart resultats dil process da strategia

La primavera 2023 ha la suprastonza communal instradau la procedura per elaborar ina strategia communal. La basa per definir las finamiras e las mesiras ein stai ils resultats dil workshop dils 26-08-2023 sco era ils resultats dalla retscherca tier ils secundindigens. Sonda, ils 20 da schaner 2024 orientescha la suprastonza communal davart la strategia cun las mesiras che vegnan persequitadas. La suprastonza communal envida cordialmein all'orientaziun che ha liug allas 16.00 en casa da scola a Surrein. La suprastonza communal selegra sin stedia participaziun e sin bunas discussiuns.

Sumvitg, 15-12-2023

Suprastonza communal

Salids ed auguris per las fiastas da Nadal e Daniev

La suprastonza communal gjavischa a Vus, preziadas convischinas e preziai convischins, bialas e legrevlas fiastas da Nadal. Per la scumiada digl onn augurein nus buna sanadad, e tut bien. En num dallas autoritads communalas engraziein nus da cor per tut engaschi en favur da vischnaunca e cuminonza.

Sumvitg, 15-12-2023

Suprastonza communal

PREAVIS

Administraziun communal / Communicaziun

L'administraziun communal resta serrada sur las fiastas da Nadal e Daniev sco suonda:

- naven da venderdis, ils 22-12-2023, allas 17.00 uras, entochen mesjamna, ils 27-12-2023 allas 08.00 uras
- naven da venderdis, ils 29-12-2023 allas 17.00 uras, entochen mesjamna, ils 03-01-2024 allas 08.00 uras

Nus engraziein per la buna collaboraziun, gjavischein benedidas fiastas da Nadal ed in bien niev onn.

Sumvitg, 15-12-2023

Administraziun communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 15-12-2023

Departament traffic

La stizun a Rabius vegn serrada sils 31-12-2023

Alla radunonza extraordinaria dalla societad cooperativa da consum Surrein-Rabius dils 24-11-2023 eis ei vegniu decidiu da serrar la stizun a Rabius silla fin december 2023. Tochen lu, resta la stizun denton aviarta sco tochen da cheu. La sperdita da rodund frs. 40 000.– egl onn 2022 e la munconza da sviulta han pretendiu quella midada restrictiva per buca ir concuors cun l'entira societad cooperativa. La stizun a Surrein (PRIMA) empruein da salvar. Ella resta pia aviarta ed ei legrass nus zun fetg d'astgar beneventar era nossa preziada clientella da Rabius naven dil schaner 2024 en stizun a Surrein. Per vossas cumpras e las bialas s'entupadas en stizun engraziein cordialmein. *Societad cooperativa da consum Surrein-Rabius*

Societad da musica Sumvitg/Cumpadials

Chor mischedau Sumvitg/Cumpadials

Concert da Nadal, venderdis, ils 15 da december allas 20.00 e **dumengia, ils 17 da december**, allas 17.00 en baselgia parochiala a Sumvitg. Nus selegrein sin Vossa viseta e giavischein in bi temps d'Advent.

Uniun da dunnas Rabius

Finiastras d'advent 2023

Ei fa grond plascher che 24 finiastras sclareschan uonn nies vitg duront il temps d'advent. In grond engraziament a tut las casadas che separticipeschan.

1. Berther Ramona, Via Tschuppina 12
2. Lechmann Carin, Via Gir 3
3. Tuor Nicole, Via Gir 5
4. Lutz Gabriela, Via Sursilvana 9
5. Berther Rita, Via Sursilvana 9
6. Mini Consum, Via Sursilvana 48
7. Sgier Marietta, Via Surrein 12
8. Bearth Georgette e Carmen, Via Surrein 14
9. Cajacob Jasmine, Via Sutvitg 9
10. Deplazes Iris, Via Surrein 5
11. Gadola Sara, Via Staziun 5
12. Foppa Loredana, Via Staziun 3
13. Bearth Stefania, Via Cavivens 38
14. Deplazes Luzia, Via Cavivens 26
15. Walter Jaqueline e Lutz Silvio, Via Cavivens 24
16. Flepp Julia, Via Cavivens 7
17. Derungs Dorothea, Via Cavivens 15 (sur casa)
18. Deplazes Ursula e Pieder Degonda, Via Catat 29
19. Scola Rabius
20. Bearth Sandra, La Gassa 2
21. Hunter Sandra e Rensch Onna, Via Chistrisch 9
22. Fry Anna Maria, Via Caduff 6
23. Vogel Cornelia, Via Caduff 3
24. Flepp Sonja, Cumadé

Nossa usitada spassegiada fagein nus ils 29 da december 2023 e sentupein si Cumadé tier in pign pushegn. (Detagls suondan)

Glisch dalla pasch 2023

Arrivada dalla glisch dalla pasch: Venderdis, ils 22 da december allas 17.00 uras purtein nus la glisch dalla pasch en baselgia parochiala a Rabius. Quei en fuorma dad ina devoziun tgeua. La glisch resta en baselgia tochen suenter Nadal. Nus purschin aschia ad in e scadin da l'entira vischnaunca la pusseivladad da vegnir per la glisch e guder in mument da silenzi. L'uniun da dunnas Rabius giavischa a tut las famiglias ina biala fiasta da Nadal, ina buna ruschnada e tut bien pigl onn niev. *Uniun da dunnas Rabius*

Scola da musica Surselva/Musikschule Surselva

Geniturs affons fan musica / Eltern-Kind-Musizieren (Jahrgang 2020 und 2021).

Mardis/Dienstag:

08:45 – 09:35 Uhr (8 lezziuns/Lektionen): 23-01 / 30-01 / 06-02 / 13-02 / 20-02 / vacanzas da sport / 05-03 / 12-03 / 19-03 s.Giusep, firau / 26-03-2024